



BOSNIA AND HERZEGOVINA  
FEDERATION OF BOSNIA AND HERZEGOVINA  
SEIZED PROPERTY MANAGEMENT  
AGENCY OF THE FEDERATION OF  
BOSNIA AND HERZEGOVINA

Bosna i Hercegovina  
Federacija Bosne i Hercegovine  
AGENCIJA ZA DRŽAVNU SLUŽBU  
SARAJEVO

Broj: 01-30-340 / E.H.  
Sarajevo, 08.08.2023. godine

Broj lista	Broj lista	Redni broj	Broj priloga
08-08-2023			

Na osnovu člana 70. st. (1) i (2) Zakona o organizaciji organa uprave u Federaciji BiH („Službene novine FBiH“, broj: 35/05), člana 28. Zakona o oduzimanju nezakonito stečene imovine krivičnim djelom FBiH („Službene novine Federacije BiH“, broj: 71/14), čl. 16. i 18. Pravilnika o unutrašnjoj organizaciji Federalne agencije za upravljanje oduzetom imovinom broj: 01-02-167-14/22 od 19.01.2023. godine i Rješenja o privremenom postavljenju direktora Federalne agencije za upravljanje oduzetom imovinom Vlade FBiH, V. broj: 1042/2023 od 02.08.2023. godine, v.d. direktor Federalne agencije za upravljanje oduzetom imovinom, donosi:

## ODLUKU o poništenju Javnog konkursa za popunu radnog mjesta državnog službenika

I

Poništava se konkurs za prijem u radni odnos državnih službenika u Federalnoj agenciji za upravljanje oduzetom imovinom, objavljen u “Službenim novinama Federacije Bosne i Hercegovine”, broj: 23/23 od 31.03.2023. godine za sljedeća radna mjesta:

1. Pomoćnik direktora u Sektoru za materijalno-finansijske i opće poslove – 1 (jedan izvršilac)
2. Stručni savjetnik za preuzimanje i upravljanje privrednim društvima – Odsjek za upravljanje privrednim društvima u Sektoru za preuzimanje i upravljanje oduzetom imovinom – 1 (jedan) izvršilac
3. Stručni saradnik za radne odnose i evidencije u Sektoru za pravne, kadrovske poslove i analizu – 1 (jedan) izvršilac

II

Ova odluka stupa na snagu danom donošenja.

III

Ova odluka će biti objavljena na oglasnoj tabli Agencije, web stranici Agencije i u Službenim novinama Federacije Bosne i Hercegovine.

## O b r a z l o ž e n j e

Dana 24. 02. 2023. godine Federalna agencija za upravljanje oduzetom imovinom obratila se Agenciji za državnu službu Federacije Bosne i Hercegovine sa zahtjevom za objavu javnog konkursa broj: 01-30-23-7/23 za sljedeća radna mjesta:

1. Pomoćnik direktora u Sektoru za materijalno-finansijske i opće poslove – 1 (jedan izvršilac)
2. Stručni savjetnik za preuzimanje i upravljanje privrednim društvima – Odsjek za upravljanje privrednim društvima u Sektoru za preuzimanje i upravljanje oduzetom imovinom – 1 (jedan) izvršilac
3. Stručni saradnik za radne odnose i evidencije u Sektoru za pravne, kadrovske poslove i analizu – 1 (jedan) izvršilac

Agencija za državnu službu Federacije Bosne i Hercegovine je na zahtjev Federalne agencije za upravljanje oduzetom imovinom, objavila Javni konkurs za popunu radnog mjesta državnog službenika objavljen u "Službenim novinama Federacije Bosne i Hercegovine", broj: 23/23 od 31.03.2023. godine.

Vlada Federacije Bosne i Hercegovine donijela je zaključak V. broj: 644/2023 od 04.05.2023. godine, kojim su u tački 2. Zaključka zadužena federalna ministarstva, federalne uprave, federalne upravne organizacije, federalne ustanove i druge federalne institucije i službe, a naročito Agencija za državnu službu Federacije Bosne i Hercegovine, da odmah obustave sve započete konkursne procedure za prijem i postavljenje državnih službenika, kao i prijem namještenika, uz izuzetak koji na prijedlog resornog ministarstva odobri Vlada Federacije Bosne i Hercegovine.

Agencija za državnu službu Federacije Bosne i Hercegovine dostavila je Federalnoj agenciji za upravljanje oduzetom imovinom Obavještenje o obustavi konkursne procedure broj: 06-30-8-282/23 od 09.5.2023. godine, a koje je Agencija zaprimila dana 12.05.2023. godine.

Dana 05.06.2023. godine Agencija je zaprimila Zaključak (V. broj: 721/2023 od 01.06.2023.g.) o izmjeni i dopuni zaključka V. broj 677/2023 od 11.05.2023. godine kojim se navodi da se federalne upravne organizacije koje nisu obuhvaćene tačkom 2. ovog Zaključka mogu obratiti Vladi Federacije Bosne i Hercegovine sa zahtjevom za davanje saglasnosti za nastavak započetih konkursnih procedura za prijem i postavljenje državnih službenika.

Federalna agencija za upravljanje oduzetom imovinom obratila se dopisom broj: 05-30-23-9/23 od 18.05.2023. godine i dopisom broj: 05-30-23-10/23 od 04.07.2023. godine Vladi Federacije Bosne i Hercegovine, Generalnom sekretarijatu sa prijedlogom zaključka/zahtjeva za davanje saglasnosti za nastavak započetih konkursnih procedura prijema i postavljenja državnih službenika gdje do dana donošenja ove odluke nije riješeno po ovom pitanju.

Vlada Federacije Bosne i Hercegovine je na 10.sjednici održanoj dana 02.08.2023. godine donijela Rješenje o razrješenju direktora Federalne agencije za upravljanje oduzetom imovinom V. broj: 1041/2023 od 02.08.2023. godine, te Rješenje o privremenom postavljenju direktora Federalne agencije za upravljanje oduzetom imovinom V. broj: 1042/2023 od 02.08.2023. godine kojim je Emira Bašića postavila za v. d. direktora Federalne agencije za upravljanje oduzetom imovinom na period do najviše tri mjeseca odnosno do okončanja konkursne procedure u skladu sa Zakonom o državnoj službi FBiH ("Službene novine Federacije BiH", br. 29/03, 23/04, 39/04, 54/04, 67/05, 8/06, 77/06 - odluka US, 34/10 - odluka US, 4/12, 99/15 i 9/17 - odluka Ustavnog Suda).

S obzirom da je došlo do promjene odgovornog lica u Federalnoj agenciji za upravljanje oduzetom imovinom, ocijenjeno je opravdanim da se preispita opravdanost raspisivanja Javnog konkursa za popunu radnog mjesta državnog službenika odnosno prijema u radni odnos državnih službenika na naprijed navedena radna mjesta, kao i zbog planirane izmjene i dopune Pravilnika o unutrašnjoj organizaciji Federalne agencije za upravljanje oduzetom imovinom broj: 01-02-167-14/22 od 19.01.2023. godine.

Shodno navedenom, odlučeno je kao u dispozitivu.



**Dostaviti:**

- Agencija za državnu službu FBiH, ul. Hamdije Čemerlića br. 2
- Oglasna tabla Federalne agencije za upravljanje oduzetom imovinom
- Sektor za pravne, kadrovske poslove i analizu,

☉ a/a